

四庫全書

集部

欽定四庫全書

集部

御選古文淵鑒卷十九

詳校官尚書臣德保

主事銜臣徐以坤履勘

總校官進士臣朱鈐

校對官中書臣田尹衡

謄錄監生臣曹淦階

欽定四庫全書

御選古文淵鑒卷九目錄

秦

孝公下令國中

趙良說商君

李斯諫逐客書

子嬰進諫二世書

騶忌子以鼓琴見齊威王

淳于髡說騶忌子

楚人對項襄王

欽定四庫全書

御選古文淵鑒卷九

內閣學士兼禮部侍郎教習庶吉士臣徐乾學等奉

旨編注

秦

帝顓頊之苗裔嬴姓周宣王時秦仲子莊公為西  
垂大夫莊公子襄公以兵送平王東遷始封為諸  
侯賜以岐西之地至惠文君始稱王五傳至始皇  
遂升天下傳二世共享國十五年而亡○按舊選  
本多以戰國策為秦文其時周歷未改當仍繫之  
周今錄國策所不載如孝公令見秦之始霸趙良  
說商君見鞅能彊秦而不終李斯諫逐客知秦能  
用人以升天下及子嬰諫二世著秦之所以亡定

欽定四庫全書

卷九

為秦文而騶忌子諸篇  
無所附麗并錄於此卷

孝公下令國中

孝公名渠梁獻公之子秦自  
繆公始霸至孝公而復彊

孝公亟思光復先  
業博謀於賓客羣  
臣得勵精圖治之  
意惜乎不知修德  
行仁沾沾於奇計  
彊秦也

水心葉適曰秦

孝公出令上距

穆公二百五十

年穆公舊事常

鏡見之宜其興

昔我穆公自岐雍之間修德行武東平晉亂以河為界  
西霸戎翟廣地千里天子致伯諸侯畢賀為後世開業  
甚光美會往者厲躁簡公出子之不寧秦四國家內憂  
未遑外事三晉攻奪我先君河西地諸侯卑秦醜莫大  
焉獻公即位鎮撫邊境徙治櫟陽且欲東伐復穆公之  
故地修穆公之政令寡人思念先君之意常痛於心賓

也人未有求白  
強而不獲者彼  
不幸而得商鞅  
百餘年秦亦亡  
遺患萬世悲夫

商鞅以殘忍鉅刻  
之性變法速效苟  
且目前何暇計治  
理之純疵耶孝公  
舉國以從悞矣

客羣臣有能出奇計彊秦者吾且尊官與之分土

按秦文如

始皇令丞相御史議帝號及封禪諸石刻其辭皆夸大  
所謂作而不法者孝公此篇雖僅主富彊而能振先業  
招賢士為兼并  
之藉故錄之

### 趙良說商君

君

商鞅衛公子姓公孫氏秦孝公用  
之定變法之令封之商於號為商

商君相秦十年宗室貴戚多怨望者趙良見商君商君

曰鞅之得見也從孟蘭臯

孟蘭臯  
人姓名

今鞅請得交可乎趙

良曰僕弗敢願也孔丘有言曰推賢而戴者進聚不肖

而王者退僕不肖故不敢受命僕聞之曰非其位而居之曰貪位非其名而有之曰貪名僕聽君之義則恐僕貪位貪名也故不敢聞命商君曰子不說吾治秦與趙良曰反聽之謂聰內視之謂明自勝之謂彊虞舜有言曰自卑也尚矣君不若道虞舜之道無為問僕矣商君曰始秦戎翟之教父子無別同室而居今我更制其教而為其男女之別大築冀闕營如魯衛矣子觀我治秦也孰與五羖大夫賢趙良曰千羊之皮不如一狐之腋



臣熙曰平叙兩  
人行事筆寫曲

千人之諾諾不如一士之諤諤武王諤諤以昌殷紂墨  
墨以亡君若不非武王乎則僕請終日正言而無誅可  
乎商君曰語有之矣貌言華也至言實也苦言藥也甘  
言疾也夫子果肯終日正言鞅之藥也鞅將事子子又  
何辭焉趙良曰夫五殺大夫荆之鄙人也百里奚南陽宛人屬楚故  
云聞秦繆公之賢而願望見行而無資自粥於秦客被  
褐食牛期年繆公知之舉之牛口之下而加之百姓之  
上秦國莫敢望焉相秦六七年而東伐鄭三置晉國之

盡自覺優劣淺  
庭

應德唐順之曰  
殘刑數事明與

君

謂立晉惠公  
懷公文公

一救荆國之禍

十二諸侯年表穆公二  
十八年會晉救楚朝周

發教封內而巳人致貢施德諸侯而八戎來服由余聞  
之歎闕請見五穀大夫之相秦也勞不坐乘暑不張蓋  
行於國中不從車乘不操干戈功名藏於府庫德行施  
於後世五穀大夫死秦國男女流涕童子不歌謠春者  
不相杵相謂送杵聲此五穀大夫之德也今君之見秦王也  
因嬖人景監以為主非所以為名也相秦不以百姓為  
事而大築冀闕非所以為功也刑黥太子之師傅殘傷

五穀大夫施德  
相反出盛車從  
明與五穀大夫  
行於國中相反

民以駿刑是積怨畜禍也教之化民也深於命教謂商鞅之令

也命謂秦君之命也民之效上也捷於令上謂商鞅之處分令謂秦

言人畏鞅甚於秦君

君之教令今君又左建外易非所以為教也左建謂以左道建立威權也外

易謂在外革易君命也君又南面而稱寡人日繩秦之貴公子詩

曰相鼠有體人而無禮人而無禮何不遄死以詩觀之

非所以為壽也公子虔杜門不出已八年矣君又殺祝

懽而黥公孫賈詩曰得人者興失人者崩此數事者非

所以得人也君之出也後車十數從車載甲多力而駢

臣正治曰商鞅  
結怨已深未可  
以灌園解免况  
忽忠言而甘朝  
露乎是其識出  
應侯下矣

脅者為驂乘持矛而操闔戟者旁車而趨

闔鉞也方言云矛吳揚江

淮南楚五湖之間謂之鉞其柄謂之矜釋名云戟格也旁有格○闔亦作鉞同所及反

此一物不

具君固不出書曰恃德者昌恃力者亡

此周書之言孔子所刪之餘

君之危若朝露尚將欲延年益壽乎則何不歸十五都

都鞅封商於十五邑故云十五都

灌園於鄙勸秦王顯巖穴之士養老

存孤敬父兄序有功尊有德可以少安君尚將貪商於

之富寵秦國之教畜百姓之怨秦王一旦捐賓客而不

立朝秦國之所以收君者豈其微哉亡可翹足而待商

古人蒐羅賢才始以弓旌縻以好爵若既入其國而以客逐之則非矣李斯本邪辟之學此篇論取材宜廣則不可以人廢言也

君弗從

孝公卒後鞅出亡秦攻而族之

李斯諫逐客書

斯楚上蔡人從荀卿學帝王之術後入秦佐始皇并天下為丞

相二世時族誅○時秦方逐客斯為客卿亦在逐中乃上書

臣聞吏議逐客竊以為過矣昔繆公求士西取由余於

戎東得百里奚於宛

百里奚楚宛人仕於虞虞亡入秦號五羖大夫

迎蹇叔於

宋

蹇叔岐州人時遊宋故迎之於宋

求丕豹公孫支於晉

丕豹自晉奔秦左氏傳有

明文公孫支所謂子桑也岐州人游晉後歸秦

此五者不產於秦而繆公用之

并國二十遂霸西戎孝公用商鞅之法移風易俗民以

殷盛國以富彊百姓樂用諸侯親服獲楚魏之師舉地  
千里至今治彊惠王用張儀之計拔三川之地西并巴  
蜀北收上郡南取漢中包九夷制鄢郢東據成臯之險  
割膏腴之壤遂散六國之從使之西面事秦功施到今  
昭王得范雎廢穰侯逐華陽彊公室杜私門蠶食諸侯  
使秦成帝業此四君者皆以客之功由此觀之客何負  
於秦哉向使四君卻客而不納疏士而不用是使國無  
富利之實而秦無彊大之名也今陛下致昆山之玉

昆岡

臣德宜曰秦以  
客興亦以客亡

如斯者嬴氏之  
功首罪魁即逐  
之不為過然此  
書終不以人廢  
也

在于闐國東北四

百里其國出玉

有隨和之寶

隨侯行遇大蛇中斷以藥封之歲餘蛇銜明珠

徑寸因號隨珠卞和

璧始皇以為傳國璽

垂明月之珠服太阿之劍乘織離

之馬

織離蒲梢皆駿馬名

建翠鳳之旗樹靈鼉之鼓此數寶者秦

不生一焉而陛下說之何也必秦國之所生然後可則

是夜光之璧不飾朝廷犀象之器不為玩好鄭衛之女

不充後宮而駿良馱駟不實外廐江南金錫不為用西

蜀丹青不為采所以飾後宮充下陳

下陳猶後列也

娛心意說

耳目者必出於秦然後可則是宛珠之簪傅璣之珥

宛珠

謂以珠宛轉而裝其簪傳璣以璣附著於珥珥阿縞之者璣也璣珠之不圓者○宛於阮反傳音附

衣錦繡之飾

齊之東阿繒帛所出

不進於前而隨俗雅化

謂閑雅變化而

能隨俗

佳冶窈窕趙女不立於側也夫擊甕叩鈺彈箏搏

髀而歌呼嗚嗚快耳目者真秦之聲也

甕汲鈺也鈺瓦器也秦人鼓之

守溪王鏊曰以韶虞與鄭衛並說此戰國之習

以節樂○

鄭衛桑間昭虞武象者異國之樂也今棄擊

鈺甫有反

甕叩鈺而就鄭衛退彈箏而取昭虞若是者何也快意

當前適觀而已矣今取人則不然不問可否不論曲直

非秦者去為客者逐然則是所重者在乎色樂珠玉而

臣廷敬曰李斯逐客皆責二篇



如出兩手遂容  
雅鍊類西漢始  
責簡潔類子書

臣鴻緒曰秦并  
六國成一統此  
書之功不淺

所輕者在乎人民也此非所以跨海內制諸侯之術也  
臣聞地廣者粟多國大者人衆兵彊則士勇是以太山  
不讓土壤故能成其大河海不擇細流故能就其深王  
者不卻衆庶故能明其德是以地無四方民無異國四  
時充美鬼神降福此五帝三王之所以無敵也今乃棄  
黔首以資敵國却賓客以業諸侯使天下之士退而不  
敢西向裹足不入秦此所謂藉寇兵而齎盜糧者也

藉積

夜反齋  
子奚反

夫物不產於秦可寶者多士不產於秦而願忠

者衆今逐客以資敵國損民以益讐內自虛而外樹怨

於諸侯求國無危不可得也

按斯此書本自媒而其言與帝王用人無方之義有

足相發若阿二世意上書勸行

督責以速秦亡辭雖辯不錄

### 子嬰進諫二世書

二世立趙高親近日夜毀惡大臣蒙氏子嬰諫不聽

信任便嬖輕棄老成鮮有不敗人家國者漢唐之季廢轍相尋尤可浩歎

臣聞故趙王遷殺其良臣李牧而用顏聚燕王喜陰用  
荊軻之謀而倍秦之約齊王建殺其故世忠臣而用后  
勝之議此三君者皆各以變古者失其國而殃及其身  
今蒙氏秦之大臣謀士也而主欲一旦棄去之臣竊以

樂記云聲音之道  
與政相通確有至  
理

為不可臣聞輕慮者不可以治國獨智者不可以存君  
誅殺忠臣而立無節行之人是內使羣臣不相信而外  
使鬪士之意離也臣竊以為不可

騶忌子以鼓琴見齊威王

以下三篇皆戰  
國文國策不載

騶忌子以鼓琴見威王威王說而舍之右室須臾王鼓  
琴騶忌子推戶入曰善哉鼓琴王勃然不說去琴按劍  
曰夫子見容未察何以知其善也騶忌子曰夫大絃濁  
以春溫者君也小絃廉折以清者相也

大絃者君也寬  
和而溫小絃者

臣也清廉而不亂凡絃以緩急為清濁琴緊攬之深以其絃則清緩其絃則濁清濁者言琴之聲也以

持也○攬

驛之愉者

驛音釋愉一作舒

政令也鈞諧以鳴大小

已足反

相益回邪而不相害者四時也吾是以知其善也王曰

善語音驪忌子曰何獨語音夫治國家而弭人民皆在

其中王又勃然不說曰若夫語五音之紀信未有如夫

子者也若夫治國家而弭人民又何為乎絲桐之間驪

忌子曰夫大絃濁以春溫者君也小絃廉折以清者相

也攬之深而舍之愉者政令也鈞諧以鳴大小相益回

臣英曰覆繹前  
說畧加點綴以  
成文自覺強然  
有餘韻

持論亦正特務為  
隱語終是戰國習  
氣

邪而不相害者四時也夫復而不亂者所以治昌也連  
而徑者所以存亡也故曰琴音調而天下治夫治國家  
而弭人民者無若乎五音者王曰善

### 淳于髡說騶忌子

騶忌子見三月而受相印淳于髡見之曰善說哉髡有  
愚志願陳諸前騶忌子曰謹受教淳于髡曰得全全昌  
失全全亡

得全謂人臣事君  
之禮全具無失

騶忌子曰謹受命請謹毋

離前

謂佩服此言  
常無離君

淳于髡曰狶膏棘軸所以為滑也然

欽定四庫全書

藝文四庫全書  
卷九

而不能運方穿

狶膏猪脂也棘軸以棘木為車輪至滑而堅也然而穿孔若方則不能運轉言

逆理反經也故下忌曰請謹事左右言每事須順從

騶忌子曰謹受命請謹事左

右淳于髡曰弓膠昔幹所以為合也然而不能傳合疏

罅

昔久舊也幹弓幹也言作弓之法以膠被昔幹而納諸桀中是猶以勢令人合也而久亦不能常傳合於

疏罅隙縫○  
罅呼嫁反

騶忌子曰謹受令請謹自附於萬民淳于

髡曰狐裘雖弊不可補以黃狗之皮騶忌子曰謹受令

請謹擇君子毋雜小人其間淳于髡曰大車不較不能

載其常任琴瑟不較不能成其五音騶忌子曰謹受令

臣乾學曰左傳  
秦客度詞於朝  
當即此類而不  
傳其語此則微  
示端倪切中時  
政非復郭舍人  
枚舉之倫徒取  
捷給者所可擬

諷楚報秦有得於  
春秋復仇之旨全  
以譬喻行文彌覺  
古雋

請謹修法律而督姦吏淳于髡說畢趨出至門而面其

僕曰是人者吾語之微言五其應我若響之應聲是人

必封不久矣

按此篇為隱語之始附萬民  
擇君子辭歸於正故錄之

楚人對頃襄王

頃襄王名  
橫懷王子

楚人有好以弱弓微繳加歸鴈之上者頃襄王聞召而

問之對曰小臣之好射騏鴈羅鷺

鷺野鳥也騏小鴈也  
○騏音其鷺音龍

小矢之發也何足為大王道也且稱楚之大因大王之

賢所弋非直此也昔者三王以弋道德五霸以弋戰國

故秦魏燕趙者騏鴈也齊魯韓衛者青首也

小鳬有青首者鄒

費邾邳者羅鷺也外其餘則不足射者見鳥六雙以王

何取

以喻下文秦趙等十二國故云六雙

王何不以聖人為弓以勇士為

繳時張而射之此六雙者可得而囊載也其樂非特朝

夕之樂也其獲非特鳬鴈之實也王朝張弓而射魏之

大梁之南加其右臂而徑屬之於韓則中國之路絕而

上蔡之郡壞矣還射圍之東

圍城在汴州雍丘縣東

解魏左肘而

外擊定陶則魏之東外棄而大宋方與二郡者舉矣且

臣楚曰以弋鳥  
諷弋秦楚君臣  
皆愧此小臣長  
楊上林曲終奏  
雅其意亦然豈  
曰諷一而勸百



魏斷二臂顛越矣膺擊郟國大梁可得而有也王綰繳

蘭臺

綰紫也  
○音乎

飲馬西河定魏大梁此一發之樂也若王

之於弋誠好而不厭則出寶弓落新繳

以石傳弋繳  
曰落○音波

射

噉鳥於東海還蓋長城以為防

噉謂大鳥之有鈞喙者  
以比齊也還謂遠也蓋

覆也言射者環遠蓋覆使無飛走之路因  
以長城為防也長城在濟南○噉音晝

朝射東莒

密州

莒縣故  
莒子國

夕發沮丘

在清河

夜加即墨顧據午道

午道齊西  
界當在博

州之  
西境

則長城之東收而太山之北舉矣西結境於趙而

北達於燕三國布抵

三國齊趙燕  
也○抵音趙

則從不待約而可成

臣士奇曰一發再發然後加於強秦雖借戈為喻而於形勢瞭然非同莊辛黃雀徒然滑稽

也北遊目於燕之遼東而南登望於越之會稽此再發之樂也若夫泗上十二諸侯左縈而右拂之可一旦而盡也今秦破韓以為長憂得列城而不敢守也伐魏而無功擊趙顧病則秦魏之勇力屈矣楚之故地漢中析酈可得而復有也王出寶弓礮新繳涉鄆塞

酈一作鄆河東大陽

有鄆城

而待秦之倦也山東河內可得而一也勞民休衆

南面稱王矣故曰秦為大鳥負海內而處東面而立左臂據趙之西南右臂傳楚鄆郢膺擊韓魏垂頭中國處

臣叔元曰繫心  
懷王不忘敵讐  
比物連類深於  
正諫頃襄不為  
動愧此之人矣

既形便勢有地利奮翼鼓毬方三千里則秦未可得獨  
招而夜射也欲以激怒襄王故對以此言襄王因召與  
語遂言曰夫先王為秦所欺而客死於外怨莫大焉今  
以匹夫有怨尚有報萬乘白公子胥是也今楚之地方  
五千里帶甲百萬猶足以踊躍中野也而坐受困臣竊  
為大王弗取也

按此篇類莊子說劍篇而辭采更勝其  
意主於報彊秦復懷王之仇春秋之義

所取也故  
錄之正集

御選古文淵鑒卷九

欽定四庫全書

御選古文淵鑒卷十目錄

漢

高帝

入關告諭

為義帝發喪告諸侯

罷兵詔

令諸吏善遇高爵詔

求賢詔

文帝

議振貸詔

養老詔

賜南粵王佗書

日食求言詔

除誹謗詆言之令詔

賜民田租之半詔

議犯法相坐詔

勸農詔

勞賜三老孝悌力田詔

除肉刑詔

除田租稅詔

令祠官致敬無祈詔

策賢良詔

議佐百姓詔

定和親詔

遺匈奴書

景帝

定孝文廟樂舞詔

讞疑獄詔

治獄務寬詔

令天下務農蠶詔

重廉士詔



勸農桑詔

武帝

策賢良制

復策賢良制

復策賢良制

養老詔

策賢良詔

興廉舉孝詔

赦天下詔

置博士弟子詔

賜三老孝悌力田帛詔

賜齊王閔策

賜燕王旦策

賜廣陵王胥策

遣博士巡行天下詔

遣博士巡行江南詔

封周子南君詔

勅楊僕詔

減內史地租詔

察茂材異等詔

賜會稽太守書

賜吾丘壽王璽書

罷屯輪臺詔

昭帝

賜涿郡韓福等五人詔

賜燕王旦璽書

宣帝

地震舉賢良方正詔

令郡國舉孝弟詔

罷車騎等屯兵詔

遭喪勿繇詔

首匿勿坐詔

減鹽賈詔

令郡國歲上繫囚詔

令二千石察官屬詔

益吏奉詔

使尚書詔問黃霸

戒不禁姦邪詔

元帝

責丞相御史詔

蠲減律令詔

宮館勿繕治詔

地震赦天下詔

罷珠崖詔

赦天下詔

罷甘泉建章宮衛詔

復責丞相御史詔

罷初陵縣邑詔

賜東平王太后璽書

勅東平傅相詔

報貢禹

成帝

減刑詔

順四時月令詔

舉博士詔

勸農詔

遣使者巡行郡國詔

禁列侯近臣奢僭詔

哀帝

罷樂府官詔



欽定四庫全書

御選古文淵鑒卷十

內閣學士兼禮部侍郎教習庶吉士

臣徐乾學

等奉

旨編注

漢

陶唐氏既衰其後有劉累事孔甲晉范氏其後也士會奔秦復歸于晉其處者為劉氏戰國時劉氏

自秦復于魏秦滅魏從大梁徙豐遂為豐之中陽里人豐公生太上皇太上皇生高祖滅秦定天下

共十二帝至孺子嬰初始

元年合二百一十五年

高帝

諱邦字季自泗上亭長立為沛公降子嬰滅項羽成帝業

秦民重足而立如  
在湯火中一旦除  
苛法約三章人心  
所歸天命繫之漢  
室數百年之基業  
定於此矣

西山真德秀曰  
告諭之語則百  
餘言而暴秦之  
弊為之一洗所  
謂若時雨降民  
大說者也

入關告諭

漢元年

卷十

父老苦秦苛法久矣

○苛細也音何

誹謗者族耦語者棄市

秦法

禁民聚語耦對也族謂誅及其族也棄市者謂刑人於市與衆棄之

吾與諸侯約先入關

者王之吾當王關中與父老約法三章耳殺人者死傷

人及盜抵罪

傷人有曲直盜賊有多少罪名不可豫定故凡言抵罪未知抵何罪也抵至也當也

餘悉除去秦法吏民皆按堵如故

按按次第堵堵堵堵也言不運動也凡

吾所以來為父兄除害非有所侵暴毋恐且吾所以軍

霸上待諸侯至而定要東耳

秦人大喜爭持牛羊酒食獻饗軍士沛公又讓不受

八義以動天下  
心楚項雖強其  
心孤矣不必決  
項下之戰也

曰倉粟多非乏不欲費人人  
又益喜惟恐沛公不為秦王

為義帝發喪告諸侯

二年至雒陽新城三老董公遮說漢王以義帝死故

遂為  
發喪

天下共立義帝北面事之今項羽放殺義帝江南大逆  
無道寡人親為發喪兵皆縞素悉發關中兵收三河士  
河南河東  
河內也  
南浮江漢以下願從諸侯王擊楚之殺義帝  
者

罷兵詔

五年

逆大度高帝之  
田與罷兵詔  
概尤可想見

山真德秀曰  
數語而事理  
盡存之以見  
詔簡嚴之體

諸侯子在關中者復之十二歲其歸者半之

各已還其本土者復

六歲也

民前或相聚保山澤不書名數

名數謂戶籍也

今天下已

定令各歸其縣復故爵田宅吏以文法教訓辯告勿笞

辱

辯告者分別義理以曉喻之

民以饑餓自賣為人奴婢者皆免為

庶人軍吏卒會赦其亡罪而亡爵及不滿大夫者皆賜

爵為大夫

大夫第五爵也

故大夫以上賜爵各一級其七大夫

以上皆令食邑

秦制列侯乃得食邑今七大夫以上皆食邑所以寵之也七大夫公大夫也爵

第七故謂之七大夫

非七大夫以下皆復其身及戶勿事

不輸戶賦也事

重爵位念勲勞有  
國之常經軫恤曲  
至倍見篤厚之誼

臣熙曰貴爵尚  
功國之令典文

謂役使也復其身及一  
戶之內皆不徭賦也

令諸吏善遇高爵詔

五年

七大夫公乘以上皆高爵也

公乘第八爵

諸侯子及從軍歸

者甚多高爵吾數詔吏先與田宅及所當求於吏者亟

與爵或人君上所尊禮久立吏前曾不為決

有辨訟及陳請者不

早為決斷

甚亡謂也異日秦民爵公大夫以上令丞與亢禮

今吾於爵非輕也吏獨安取此

於何得此輕爵之法也

且法以有

功勞行田宅

行如行酒之行猶付與也

今小吏未嘗從軍者多滿

多自

情流動婉極  
有節奏

人材者國家之楨  
榦儲蓄而器使之  
惟患其不廣高帝  
時取士之法未備  
宜其求之若渴也

滿足也

而有功者顧不得背公立私守尉長吏教訓甚不

善

守郡守也尉郡尉也  
長吏謂縣之令長

其令諸吏善遇高爵稱吾意且

廉問有不如吾詔者以重論之

廉察也

求賢詔

十一年

蓋聞王者莫高於周文伯者莫高於齊桓皆待賢人而  
成名今天下賢者智能豈特古之人乎患在人主不交  
故也士奚由進今吾以天之靈賢士大夫定有天下以  
為一家欲其長久世世奉宗廟亡絕也賢人已與我共

水憲劉友益曰  
詔郡國求遺賢  
于是始見自是  
而舉賢良舉直  
言皆帝啓之矣

臣正治曰其言  
諄切如此而士  
不至所令非所  
好也

平之矣而不與吾共安利之可乎賢士大夫有肯從我

游者吾能尊顯之布告天下使明知朕意御史大夫昌

下相國

周昌已為趙相御史大夫是趙免耳

相國鄼侯下諸侯王御史中

執法下郡守

中執法中丞也

其有意稱明德者必身勸為之駕

有賢者郡守親自往勸勉令至京師駕車遣之

遣詣相國府署行義年

行狀年紀也

有而弗言覺免年老癯病勿遣

癯疲病也  
○音隆

文帝

諱恒高帝子初封代王大臣誅諸呂迎立之廟號太宗○凡漢帝謚皆稱孝

議振貸詔

元年

民胞物與之懷形諸詔令自覺譊然如春

方春和時草木羣生之物皆有以自樂而吾百姓鰥寡孤獨窮困之人或陷於死亡

陷近邊欲墮之意○音玷

而莫之省憂也

省視也

為民父母將何如其議所以振貸之

養老詔

元年

引年尚齒三代之制具詳時存問厚賜予著為令典亦可謂善養老者矣

老者非帛不煖非肉不飽今歲首不時使人存問長老又無布帛酒肉之賜將何以佐天下子孫孝養其親今聞吏稟當受鬻者或以陳粟

稟給也鬻淖糜也給米使為糜鬻也陳久舊也

豈

稱養老之意哉具為令



趙佗請罷兩將軍  
求親昆弟其有悔  
心之萌乎文帝賜  
書深自貶損詞意  
真朴佗之感服固  
其宜也

耕道尹起羊曰  
呂后專柄時南  
越王佗反遣周  
竈將兵擊之至  
是凡五年矣帝  
不興兵誅討而

賜南粵王佗書

趙佗高祖十一年立為南粵王  
高后時叛僭尊號文帝元年初

鎮撫天下使告諸侯代來即位意以陸賈  
為太中大夫使南粵賈至佗恐頓首稱臣

皇帝謹問南粵王甚苦心勞意朕高皇帝側室之子

言非

正嫡所  
生也

棄外奉北藩于代道里遼遠壅蔽樸愚未嘗致

書高皇帝棄羣臣孝惠皇帝即世高后自臨事不幸有

疾日進不衰以故詩暴乎治諸呂為變故亂法不能獨

制迺取它姓子為孝惠皇帝嗣賴宗廟之靈功臣之力

誅之已畢朕以王侯吏不釋之故

辭讓帝位  
不見置也

不得不立

乃遣使告諭然  
佗之臣服有甚

於誅討之威者

今即賜佗之詔

讀之其卑遜謙

抑之語溫然可

掬略無一豪矜

秀之意真是使

人心說誠服佗

雖欲崛強而不

稱臣奉貢得乎

臣德宜曰開示  
恩信洞達光明

今即位乃者聞王遺將軍隆慮侯

周

書求親昆弟請罷

長沙兩將軍

佗之昆弟在故鄉者求訪之而兩將軍將兵擊越者請罷之以賓附于漢也言親昆

弟者謂有朕屬者也

朕以王書罷將軍博陽侯

陳

親昆弟在真定

者已遣人存問修治先人家前日聞王發兵于邊為寇

災不止當其時長沙苦之南郡尤甚雖王之國庸獨利

乎必多殺士卒傷良將吏寡人之妻孤人之子獨人父

母得一七十朕不忍為也朕欲定地犬牙相入者以問

吏吏曰高皇帝所以介長沙土也

介隅也

朕不得擅變焉

得帝王馭荒服  
之道故不煩一  
旅而南粵稱臣  
此宋儒張栻歎  
漢文帝之忠信  
能行於蠻貊也

吏曰得王之地不足以為大得王之財不足以為富服

領以南王自治之

領山名也  
長沙南界

雖然王之號為帝兩帝並

立亡一乘之使以通其道是爭也爭而不讓仁者不為

也願與王分棄前患

彼此共去  
故云分

終今以來通使如故故

使賈馳諭告王朕意王亦受之母為寇災矣上褚五十

衣中褚三十衣下褚二十衣遺王

以綿裝衣曰褚上中  
下者綿多少薄厚之

差願王聽樂娛憂存問鄰國

謂東越及  
甌駼等

日食求言詔

二年

詩曰不顯亦臨昭  
事上帝之心無時  
可懈因日食而克  
謹天戒亦倍凜於  
平日爾

瓊山丘濬曰此  
後人主因災異

朕聞之天生民為之置君以養治之人主不德布政不

均則天示之災以戒不治乃十一月晦日有食之適見

於天

適讀曰  
誦責也

災孰大焉朕獲保宗廟以微眇之身託于

士民君王之上天下治亂在予一人唯二三執政猶吾

股肱也朕下不能治育羣生上以累三光之明

三光日  
月星也

其不德大矣令至其悉思朕之過失

令謂此  
詔書

及知見之

所不及句以啓告朕

句乞也啓開  
也○句音蓋

及舉賢良方正能直

言極諫者以匡朕之不逮因各敕以職任務省繇費以

求言之始自大  
帝因日食下此  
詔後凡遇日食  
與夫地震山崩  
水旱疾疫之類  
皆下詔求言遂  
為故事

秦多屬禁高帝除  
除煩苛乃誹謗扶  
言之今至文帝時  
始除之亦已晚矣  
耕道尹起華曰  
直言雖舉而秦

便民

孫音

朕既不能遠德故憫然念外人之有非

憫寢視不

安貌非

是以設備未息今縱不能罷邊屯戍又飭兵厚

衛其罷衛將軍軍太僕見馬遺財足

遺留也財與纔同  
纔少也太僕見在

之馬今當減留  
纔足充事而已

餘皆以給傳置

置者置傳驛之  
所因名置也

除誹謗詆言之令詔

二年

古之治天下朝有進善之旌

旌旗也竟設之五達  
之道令民進善也

誹謗

之木

橋梁邊板所以書  
政治之愆失也

所以通治道而來諫者也今法

有誹謗詆言之罪

高后元年詔除詆言之令今此又有  
詆言之罪是則中間曾重復設此條

之虐禁猶有存  
者除誹謗妖言  
法則帝之開廣  
言路尤可嘉矣

臣廷敬曰誹謗  
妖言之罪古未  
之有也有之自  
秦始皇帝發然  
除之仁矣哉

蠲租一事乃古今  
第一仁政下至窮  
谷荒陬皆沾實惠  
然必宮庭之上力

也詆與  
妖同 是使衆臣不敢盡情而上無由聞過失也將何

以來遠方之賢良其餘之民或祝詛上以相約而後相

謾 謾欺也初為要約共行祝詛後相欺 吏以為大逆其

詛中道而止無實事也○謾音慢

有他言吏又以為誹謗此細民之愚無知抵死

抵觸也

朕

甚不取自今以來有犯此者勿聽治

賜民田租之半詔

二年

農天下之大本也民所恃以生也而民或不務本而事

末故生不遂

衣食乏絕致有天  
喪故不遂其生

朕憂其然故今茲親率

崇節儉然後可以  
行此文帝賜田租  
之半蓋由此道也

聖王下車以泣罪  
人忍濫及其父母  
妻子乎議除收孥  
相坐律足徵仁厚  
之至

羣臣農以勸之其賜天下民今年田租之半

免不收也

### 議犯法相坐詔

二年

法者治之正所以禁暴而衛善人也今犯法者已論而

使無罪之父母妻子同產坐之及收

收錄為官奴婢也

朕甚弗

取其議朕聞之法正則民慙罪當則民從且夫牧民而

道之以善者吏也既不能道又以不正之法罪之是法

反害于民為暴者也

法害于人是法為暴也

朕未見其便宜孰計

之

漢興之初雖有約法三章網漏吞舟之魚然其大辟尚有夷三族之令至高后元年除三族罪詆言令考

文二年再詔丞相太尉御史盡  
除收律相坐法○孰古熟字

勸農詔

十二年

道民之路在於務本朕親率天下農十年于今而野不

加辟

辟讀曰  
開開也

歲一不登民有饑色

無蓄積  
故也

是從事焉尚

寡而吏未加務也吾詔書數下歲勸民種樹

樹謂栽  
植也

而

功未興是吏奉吾詔不勤而勸民不明也且吾農民甚

苦而吏莫之省將何以勸焉其賜農民今年租稅之半

勞賜三老孝悌力田詔

十二年

用意搗至數詞委  
曲千載讀之猶足  
感動況當時之人  
乎  
西山真德秀曰  
文帝即位十二  
三年間減租稅  
半者再除租稅  
者一後世人主  
未有能及之者  
豈非躬行節儉  
之效歟



廣教化旌廉吏深得致治之原俗臻和樂職此故歟

臣乾學曰漢治近古文帝尤醇諸詔書皆摛然懇惻延祚四百有以也置三老以教民尤為德化之實事

孝悌天下之大順也力田為生之本也三老衆民之師

也廉吏民之表也朕甚嘉此二三大夫之行今萬家之

縣云無應令

無孝悌力田之人可應察舉之令

豈實人情是吏舉賢之

道未備也其遣謁者勞賜三老孝者帛人五匹悌者力

田二匹廉吏二百石以上率百石者三匹

自二百石以上每百石加

三及問民所不便安而以戶口率置三老孝悌力田常

員計戶口之數以率之令各率其意以道民焉

除肉刑詔

十三年齊太倉令淳于公有罪當刑少女緹縈隨至長安上書願沒入為

官婢贖父刑罪帝憐悲  
其意遂下令除肉刑

或謂肉刑除而民  
輕犯法不可以勝  
姦不知肢體既殘  
絕其自新之路慘  
莫甚焉易之以笞  
所全實多

項山丘濬曰自  
是以來犯法者  
始免斷肢體刻  
肌膚萬世之下  
人得以全其身  
不絕其類文帝  
之德大矣

制詔御史蓋聞有虞氏之時畫衣冠異章服以為戮而

民弗犯何治之至也今法有肉刑三

黥劓二刑左右  
趾合一凡三也而

姦不止其咎安在非乃朕德之薄而教不明與吾甚自

愧故夫訓道不純而愚民陷焉

道讀曰蕞

詩曰愷弟君子民

之父母今人有過教未施而刑已加焉或欲改行為善

而道亡繇至朕甚憐之夫刑至斷支體刻肌膚終身不

息

息生也

何其刑之痛而不德也豈稱為民父母之意哉

文帝至是屢下蠲  
租之詔矣此真恭  
儉之實效非可執  
行於旦夕者

其除肉刑有以易之及令罪人各以輕重不亡逃有年

而免

其不逃亡者滿其  
年數得免為庶人

具為令

除田租稅詔

十三年

農天下之本務莫大焉今廩身從事

廩古  
勤字

而有租稅之

賦是謂本末者無以異也

本農也末賈也言農  
與賈俱出租無異也

其於勸

農之道未備其除田之租稅賜天下孤寡布帛絮各有

數

令祠官致敬無祈詔

十四年

泰稷非馨明德維  
馨苟務修德天休  
自至若徒以祠官  
之祝詞而欲為人  
君祈福果何為耶  
罷之洵為卓識

西山真德秀曰  
文帝過則自歸  
福則衆共古帝  
王之心也

朕獲執犧牲珪幣以事上帝宗廟十四年于今歷日彌  
長以不敏不明而久撫臨天下朕甚自媿其廣增諸祀  
壇場珪幣昔先王遠施不求其報望祀不祈其福右賢  
左戚先民後已

以賢為上然  
後及親也

至明之極也今吾聞祠官

祝釐

釐福也  
音僖

皆歸福於朕躬不為百姓朕甚媿之夫以

朕之不德而專鄉獨美其福百姓不與焉是重吾不德

也其令祠官致敬無有所祈

按十三年夏詔曰蓋聞天  
道禍自怨起而福由德興

百官之非皆由朕躬今祈祝之官移過于下  
以彰吾之不德朕甚不取其除之與此同意

親策賢良自此始  
詔詞簡質猶見古  
人風旨

策賢良詔

十五年詔有司舉賢良文學士  
上親策詔之時龜錯在選中

昔者大禹勤求賢士施及方外四極之內舟車所至人  
迹所及靡不聞命以輔其不逮近者獻其明遠者通厥  
聽比善戮力以翼天子也比和也是以大禹能亡失德夏以

長楸

楸美也

高皇帝親除大害去亂從

亂從謂禍亂之蹤跡也

並建

豪英以為官師為諫爭輔天子之闕而翼戴漢宗也賴  
天之靈宗廟之福方內以寧澤及四夷今朕獲執天下  
之正以承宗廟之祀朕既不德又不敏明弗能燭而智

不能治此大夫之所著聞也故詔有司諸侯王三公九

卿及主郡吏

主郡吏謂郡守也

各帥其志以選賢良明于國家

之大體通于人事之終始及能直言極諫者各有人數

將以匡朕之不逮二三大夫之行當此三道

三道國體人事直言

也二三大夫總謂當時受策者

朕甚嘉之故登大夫于朝親諭朕志大

夫其上三道之要及永惟朕之不德吏之不平政之不

宣民之不寧四者之闕悉陳其志毋有所隱上以薦先

帝之宗廟下以興愚民之休利著之于篇朕親覽焉觀

臣英曰辭旨冲然自下猶見蘊蓄之厚

臣士奇曰漢自文帝始策賢良而一代得人為最盛唐宋制科

所由時也

念切民依務使家  
給人足而後已語  
語愷惻如見其憂  
勞之心

大夫所以佐朕至與不至書之周之密之重之閉之

直重

龍反興自朕躬大夫其正論毋枉執事

母為有司枉撓也

烏虜戒

之二三大夫其帥志毋怠

議佐百姓詔

後元年

間者數年比不登又有水旱疾疫之災朕甚憂之愚而  
不明未達其咎意者朕之政有所失而行有過與乃天  
道有不順地利或不得人事多失和鬼神廢不享與何  
以致此將百官之奉養或費無用之事或多與何其民

食之寡乏也夫度田非益寡而計民未加益以口量地  
其於古猶有餘而食之甚不足者其咎安在無乃百姓  
之從事於末以害農者蕃為酒醪以靡穀者多六畜之  
食焉者衆與細大之義吾未能得其中其與丞相列侯  
吏二千石博士議之有可以佐百姓者率意遠思無有  
所隱

定和親詔

後二年

朕既不明不能遠德使方外之國或不寧息夫四荒之

以四荒之外不安  
其生引為已咎是



王者以天下為一家氣象

外不安其生

戎狄荒服故曰四荒言其荒忽去來無常也

封圻之內勤勞不

處

圻亦畿字王畿千里不處者不復安居

二者之咎皆自於朕之德薄而

不能達遠也間者累年匈奴並暴邊境多殺吏民邊城

兵吏又不能諭其內志以重吾不德夫久結難連兵中

外之國將何以自寧今朕夙興夜寐勤勞天下憂苦萬

民為之惻怛不安未嘗一日忘於心故遣使者冠蓋相

望結轍於道

使車往還故轍如結也

以諭朕志於單于今單于反

古之道

反還也

計社稷之安便萬民之利新與朕俱棄細

孝拳於腹其恤民  
務期萬物各得其  
所卒致海內殷富  
粟至十餘錢則其  
明效大驗也

過偕之大道結兄弟之義以全天下元元之民和親以  
定始于今年

遺匈奴書

後二年

皇帝敬聞匈奴大單于無恙使當戶且渠雕渠難郎中  
韓遼遺朕馬二匹已至敬受

當戶且渠者一人為二  
官雕渠難者其姓名先

帝制長城以北引弓之國受令單于長城以內冠帶之  
室朕亦制之使萬民耕織射獵衣食父子毋離臣主相  
安俱無暴虐今聞漂惡民貪降其趨

漂惡民邪惡不正  
之民降下也謂下

西山真德秀曰  
此書皆大哉王  
者之言非後世  
所及

意于利也○深先  
列反趨讀曰趣

背義絕約忘萬民之命離兩主之歡

然其事已在前矣書云二國已和親兩主驩說寢兵休  
卒養馬世世昌樂翕然更始朕甚嘉之聖者日新改作  
更始使老者得息幼者得長各保其首領而終其天年  
朕與單于俱由此道順天恤民世世相傳施之無窮天  
下莫不咸嘉使漢與匈奴鄰敵之國匈奴處北地寒殺  
氣早降故詔吏遺單于絺絮金帛綿絮它物歲有數今  
天下大安萬民熙熙獨朕與單于為之父母朕追念前

臣杜訥曰以至  
誠之語據寓仁  
愛之心遂覺萬  
彙羣生無不在  
其度內

事薄物細故謀臣計失皆不足以離昆弟之驩朕聞天

不頗覆地不偏載朕與單于皆捐細故俱蹈大道墮壞

前惡以圖長久使兩國之民若一家子元元萬民下及

魚鼈上及飛鳥跂行喙息蠕動之類

跂行凡有足而行者喙息凡以口出

氣者蠕蠕動貌○跂音啓喙許穢反蠕人充反

莫不就安利避危殆故來者不

止天之道也俱去前事朕釋逃虜民

謂漢人逃入匈奴者今不追單

于毋言章尼等

背單于降漢者

朕聞古之帝王約分明而不食

言

食言者終為不信弄其前言如食而盡

單于留志天下大安和親之後

高帝初定天下及  
乎孝惠之時百姓  
瘡痍未復文帝躬  
行節儉恩深淵流  
廟號太宗樂舞昭  
德宜哉

漢過不先

言更不  
負約

單于其察之

景帝

諱啓文  
帝太子

定孝文廟樂舞詔

元年

蓋聞古者祖有功而宗有德制禮樂各有由歌者所以

發德也舞者所以明功也高廟酎

正月旦作酒八月成  
名曰酎酎之言純也

至武帝時因八月嘗酎會諸侯廟中  
出金助祭所謂酎金也○酎直敕反

奏武德文始五行

之舞

武德高祖所作也文始舜舞也五行周舞也武德  
舞執干戚文始舞執羽籥五行舞冠冕衣服法五

行

孝惠廟酎奏文始五行之舞孝文皇帝臨天下通闕

梁不異遠方

孝文十二年除闕不用傳令遠近若一

除誹謗去肉刑賞賜

臣熙曰典實弘大風灑乎雅頌之音

長老收恤孤獨以遂羣生減耆欲不受獻罪人不孥不誅亡罪不私其利也除宮刑出美人重絕人之世也朕既不敏弗能勝識此皆上世之所不及而孝文皇帝親行之德厚侔天地利澤施四海靡不獲福明象乎日月而廟樂不稱朕甚懼焉其為孝文皇帝廟為昭德之舞以明休德然後祖宗之功德施于萬世永永無窮朕甚嘉之其與丞相列侯中二千石禮官具禮儀奏

詔詞嚴明有斷制  
然哀矜惻怛之意  
益可見矣

書曰惟明克允覆  
鞠迭訊不厭其詳

讞疑獄詔 中五年

法令度量所以禁暴止邪也獄人之大命死者不可復  
生吏或不奉法令以貨賂為市朋黨比周以苛為察以  
刻為明令亡罪者失職朕甚憐之有罪者不伏罪姦法  
為暴甚亡謂也諸獄疑若雖文致於法而於人心不厭  
者輒讞之

厭服也讞平議也  
○讞魚列反

治獄務寬詔 後元年

獄重事也人有智愚官有上下獄疑者讞有司有司所

所以廣好生之德也

崇本抑末語語切至母為墨史所侵暴尤深中民隱

仲德邵經邦曰景帝不作雕文刻鏤錦繡纂組及禁黃金珠玉

不能決移廷尉有令讞而後不當讞者不為失

假令讞訖其理

不當所讞之人不為罪失欲令治獄者務先寬

令天下務農蠶詔

後二年

雕文刻鏤傷農事者也錦繡纂組害女紅者也

纂亦組也。紅

讀曰功農事傷則饑之本也女紅害則寒之原也夫饑寒

並至而能亡為非者寡矣朕親耕后親桑以奉宗廟菜  
盛祭服為天下先不受獻減大官省繇賦欲天下務農  
蠶素有畜積以備災害彊母攘弱衆母暴寡老者以壽



與文帝之敦樸無以異也二帝所以致殷富之本正在於此

臣正治曰漢初詔令皆有真意此尤王政之大者史稱移風易俗媲美成康有由然矣

旌廉以懲貪風正所以作士氣

終幼孤得遂長

遂成也

今歲或不登民食頗寡其咎安在

或詐偽為吏

謂挾詐偽以為吏

吏以貨賂為市漁奪百姓侵牟

萬民

牟食苗根盡也侵牟食民比之蚝蛄也漁言若漁獵之為也

縣丞長吏也奸法

與盜盜甚無謂也

奸法因法作奸也與盜謂盜者當治而知情反佐與之是則共盜無異也

其令二千石各修其職不事官職耗亂者丞相以聞請

其罪

耗不明也請與耗同

布告天下使明知朕意

重廉士詔

後二年

人不患其不知患其為詐也不患其不勇患其為暴也

臣德宜曰原憲

貧而愈廉季孫

富而愈貪貪廉

繫人心不繫貧

富也茲之誠算

得官猶得抑貧

長廉之意

文帝嘉惠元元閭

閭之間可謂廉矣

矣至於景帝之時

猶不忘勸課農桑

史稱其克遵前業

信不誣也

不患其不富患其亡厭也其惟廉士寡欲易足今訾算

十以上迺得官

疾吏之貪限訾十算迺得為吏十算十萬也

廉士算不必衆

有市籍不得官無訾又不得官朕甚愍之訾算四得官

亡令廉士久失職貪夫長利

勸農桑詔

後三年

農天下之大本也黃金珠玉饑不可食寒不可衣以為

幣用不識其終始

幣者所以通有無易貴賤也

間歲或不登意為未

者衆農民寡也其令郡國務農桑益種樹可得衣食物

中韓蘇張之習汨  
沒人心已久武帝  
策士慨然以則先  
王法上古為問兩  
京之經學呂明儒  
修蔚起肇端於此  
矣

吏發民若取庸采黃金珠玉者坐臧為盜

發民用其民  
取庸用其資

以庸

二千石聽者與同罪

武帝

諱微景帝中子初封膠東王  
後為皇太子嗣位廟號世宗

策賢良制

建元元年武帝即位舉賢良文學  
之士親策之時董仲舒為舉首

朕獲承至尊休德傳之無窮而施之罔極任大而守重

是以夙夜不遑康寧永惟萬事之統猶懼有闕故廣延

四方之豪雋郡國諸侯公選賢良修潔博習之士欲聞

大道之要至論之極今子大夫褒然為舉首

褒然盛  
服貌朕

甚嘉之子大夫其精心致思朕垂聽而問焉蓋聞五帝三王之道改制作樂而天下洽和百王同之當虞氏之樂莫盛于韶於周莫盛于勺

勺周頌篇也言能成先祖之功以養天下也

聖

王已沒鍾鼓箎絃之聲未衰而大道微闕陵夷至虐桀紂之行王道大壞矣夫五百年之間守文之君當途之士欲則先王之法以戴翼其世者甚衆然猶不能反日以仆滅至後王而後止豈其所持操或諄謬而失其統與固天降命不可復反必推之于大衰而後息與烏虜

臣廷敬曰五帝

三王以下作一

段請三代受命

以下作一段讀

後段文意更深

臣鴻緒曰武帝  
大略雄才自期

凡所為屑屑夙興夜寐務法上古者又將無補與三代

受命其符安在災異之變何緣而起性命之情或天或

壽或仁或鄙

天壽命也仁鄙性也鄙謂不通也

習聞其號未燭厥理伊

欲風流而令行刑輕而姦改

伊惟也

百姓和樂政事宣昭

何修何飾而膏露降百穀登惠潤四海澤臻草木三光

全寒暑平受天之祐享鬼神之靈

謂鬼神所歆饗

惠澤洋溢施

庠方外延及羣生子大夫明先聖之業習俗化之變終

始之序講聞高誼之日久矣其明以諭朕科別其條勿

廣遠即位之始  
首興儒術俾焚  
坑黃老之後經  
學大顯功不在  
禹下

武帝感仲舒之對  
策因復策多士當  
時崇尚經術登進  
才賢意亦勤矣

猥勿并

猥積也并合也欲其  
一一疏理而言之

取之于術慎其所出迺其

不正不直不忠不極枉于執事書之不泄興于朕躬毋

悼後害

極中也公卿執事有不忠直而阿枉者皆令言  
之朕自發書不有漏泄勿懼有後害而不言也

子大夫其盡心靡有所隱朕將親覽焉

復策賢良制

建元元年時董仲舒對策天子  
覽其對而異焉於是復策之

蓋聞虞舜之時游於巖廊之上

廊堂邊廡巖廊  
謂巖峻之廊

垂拱無

為而天下太平周文王至於日昃不暇食而宇內亦治

夫帝王之道豈不同條共貫與何逸勞之殊也蓋儉者

不造玄黃旌旗之飾及至周室設兩觀乘大路朱干玉

戚八佾陳於庭而頌聲興

兩觀謂闕也大路玉路之車也干盾也戚鉞也朱丹其盾

玉為戚鉞也佾列也舞者之行列也

一列八人天子八列六十四人也

夫帝王之道豈異

指哉或曰良玉不琢

琢謂雕刻為文也○音篆

又云非文亡以輔德

二端異焉殷人執五刑以督姦傷肌膚以懲惡成康不

式四十餘年

式用也成康之時刑措不用

天下不犯囹圄空虛秦國

用之死者甚衆刑者相望耗矣哀哉烏虜朕夙寤晨興  
惟前帝王之憲永思所以奉至尊章洪業皆在力本任

臣莢曰策意在勤政崇儉省刑數者皆在得人  
人之分在賢不肖賢不肖之分在廉恥廉恥之  
不立在不得其真可為善問

賢

本謂農也

今朕親耕籍田以為農先勸孝弟崇有德使者

冠蓋相望問勤勞恤孤獨盡思極神功烈休德未始云

獲也今陰陽錯繆氛氣充塞

氣惡也

羣生寡遂黎民未濟

廉恥貿亂賢不肖渾殽未得其真故詳延特起之士意

庶幾乎今子大夫待詔百有餘人或道世務而未濟稽

諸上古而不同考之于今而難行毋迺牽于文繫而不

得騁與

謂懼于文吏之法

將所由異術所聞殊方與各悉對著

于篇毋諱有司

言不當忌畏有司而不極言

明其指畧切磋究之以



制辭屢進益切其  
於天人化理之源  
流可謂孜孜不倦  
矣

臣英曰西漢詔  
詞以簡潔勝武

# 稱朕意

復策賢良制

建元元年

蓋聞善言天者必有徵于人善言古者必有驗于今故  
朕垂問序天人之應上嘉唐虞下悼桀紂寢微寢滅寢  
明寢昌之道寢漸也虛心以改今子大夫明于陰陽所以

造化習于先聖之道業然而文采未極豈惑乎當世之  
務哉條貫靡竟統紀未終意朕之不明與聽若眩與夫  
三王之教所祖不同而皆有失或謂久而不易者道也

帝三策尤淵邃  
於理

恤老耆而及其子  
孫曲體人情之至

意豈異哉今子大夫既已著大道之樞陳治亂之端矣

其悉之究之孰之復之

悉盡也究竟也復反復重言之也

詩不云序嗟

爾君子毋常安息神之聽之介爾景福

小雅小明之詩安息安處也介

助也景大也言人君不當苟自安處而已若能靖恭其位直道而行則神聽而知之助以大福也

朕將

親覽焉子大夫其茂明之

養老詔

建元元年

古之立教鄉里以齒朝廷以爵扶世導民莫善於德然則於鄉里先耆父奉高年古之道也

六十曰耆五十曰父

今天下

武帝復徵賢良文學詔詞尉然古麗足徵一代文治之美

孝子順孫願自竭盡呂承其親外迫公事內乏資財是

呂孝心闕焉朕甚哀之民年九十呂上已有受鬻法

給米

粟以為糜鬻

○鬻之六反為復子若孫令得身帥妻妾遂其供養之

事

若者豫及之辭也有子即復子無子即復孫也

策賢良詔

元光五年復徵賢良文學上策詔之

蓋聞上古至治畫衣冠異章服而民不犯陰陽和五穀

登六畜蕃甘露降風雨時嘉禾興朱草生山不童澤不

涸

童無草木也

麟鳳在郊數龜龍游於沼河洛出圖書父不

喪子兄不哭弟北發渠搜南撫交趾

發微發也渠搜速夷之國

舟車

所至人迹所及跂行喙息咸得其宜朕甚嘉之今何道而臻乎此子大夫修先聖之術明君臣之義講論洽聞有聲乎當世敢問子大夫天人之道何所本始吉凶之效安所期焉禹湯水旱厥咎何由仁義禮知四者之宜當安設施屬統垂業物鬼變化

屬繫也

天命之符廢興何

如天文地理人事之紀子大夫習焉其悉意正議詳具

其對著之于篇朕將親覽焉靡有所隱

時擢公孫弘對為第一按弘對

興廉舉孝深以墮  
於上聞為戒至立  
為不舉之罰以懲  
二十石官長漢武  
之求材可謂切矣

策言仁義禮智歸重于智術曲學阿世宋  
儒呂祖謙真德秀俱深非之今但錄制辭

### 興廉舉孝詔

元朔元年

公卿大夫所使總方畧壹統類廣教化美風俗也夫本

仁祖義褒德錄賢勸善刑暴

本仁祖義謂以仁義為本始

五帝三王

所繇昌也朕夙興夜寐嘉與宇內之士臻於斯路故旅

耆老復孝敬

旅耆老者加惠於耆老之人若賓旅也復孝敬者謂優復孝弟之人也

選豪

俊講文學稽參政事祈進民心深詔執事興廉舉孝庶

幾成風紹休聖緒夫十室之邑必有忠信三人並行厥

臣叔元曰興廉

則吏治修舉孝

則風俗厚西漢

之治所以近古

而以茲事責二

千石尤為得體

要也

詔詞簡潔亦見古  
致

有我師今或至闔郡而不薦一人是化不下究而積行

之君子雍於上聞也

雍讀曰墮

二千石官長紀綱人倫

謂郡之守

尉縣之令長

將何以佐朕燭幽隱勸元元厲蒸庶崇鄉黨之

訓哉且進賢受上賞蔽賢蒙顯戮古之道也其與中二

千石禮官博士議不舉者罪

有司奏議曰詔書昭先帝聖緒令二千石舉孝廉所

以化元元移風俗也不舉孝不奉詔當以不敬論不察廉不勝任也當免奏可

敕天下詔

元朔元年

朕聞天地不變不成施化陰陽不變物不暢茂易曰通

興崇序序獎進人材乃國家之急務漢置博士以尊經術實始於此

其變使民不倦

此易下繫之辭也言通物之變故能樂其器用不懈倦也

詩云九變

復貫知言之選

貫事也論語曰仍舊貫選擇也此言文質不同寬猛殊用循環復舊擇善而從

之朕嘉唐虞而樂殷周據舊以鑒新其赦天下與民更

始諸逋貸及辭訟在孝景後三年呂前皆勿聽治

置博士弟子詔

元朔五年公孫弘請為博士置弟子員

蓋聞導民以禮風之呂樂今禮壞樂崩朕甚閔焉故詳

延天下方聞之士咸薦諸朝

方道也禮記曰隆禮由禮謂之有方之士聞博聞也

其令禮官勸學講議洽聞舉遺興禮呂為天下先

舉遺速之

文而與  
禮樂

太常其議予博士弟子崇鄉黨之化呂厲賢材

焉

賜三老孝悌力田帛詔

元狩元年

朝廷之德澤每惠  
其不能下究慮奉  
行者之未善也縣  
鄉即賜毋贅聚可  
謂良法

朕聞咎繇對禹曰在知人知人則哲惟帝難之蓋君者

心也民猶支體支體傷則心惜怛日者淮南衡山修文

學流貨賂兩國接壤怵於邪說

怵者誘也

而造篡弑此朕之

不德詩云憂心慘慘念國之為虐

小雅正月之詩

已赦天下滌

除與之更始朕嘉孝悌力田哀夫老眊孤寡鰥獨

眊古老字



八十曰老

或匱於衣食甚憐愍焉其遣謁者巡行天下存問

致賜曰皇帝使謁者

謁者令使者宣詔書之文

賜縣三老孝者帛人

五匹鄉三老弟者力田帛人三匹年九十以上及鰥寡

孤獨帛人二匹絮三斤八十以上米人三石有寃失職

使者呂聞

職常也失職者失其常業及常理也

縣鄉即賜毋贅聚

贅會也令勿擅

徵召贅聚三老孝弟力田也即就也各遣就其所居而賜之

賜齊王閔策

元狩六年三王同日立皆賜策各以國土風俗申戒其後齊懷王薨

無子國除昭帝時旦謀反自殺宣帝時胥坐祝詛誅

辭意嚴正能使曉者凜然

子正李奇曰今勅封拜諸王策文起於此

惟元狩六年四月乙巳皇帝使御史大夫湯

張湯

廟立子

闕為齋王

廟授策也

曰烏呼小子闕受茲青社

王者以五色土為太社封

四方諸侯各以其方色土與之苴以白茅歸以立社

朕承天序惟稽古建爾國家

封于東土世為漢藩輔烏呼念哉共朕之詔

共讀曰恭

惟命

不于常人之好德克明顯光義之不圖俾君子怠

言人若好

德則能明顯有光輝若不圖于義則君子懈怠無歸附之者

悉爾心允執其中天祿

永終厥有愆不臧迺凶于乃國而害于爾躬嗚呼保國

乂民可不敬與王其戒之

建國之時申嚴邊  
備可謂長顧都慮  
矣

# 賜燕王旦策

嗚呼小子旦受茲玄社建爾國家封于北土世為漢藩

輔嗚呼薰鬻氏虐老獸心以姦巧邊眊

薰鬻堯時匈奴號也虐老謂貴

少壯賤者老獸心言貪暴而無仁義也○薰音熱鬻音育

朕命將率徂征厥罪萬夫

長千夫長三十有二帥

時所獲三十二帥也

降旗奔師

昆邪王偃其旗鼓而

未降也

薰鬻徙域

匈奴徙東

北州以妥

妥安也

悉爾心毋作怨毋

作桀德

桀匪同非也

毋廢迺備非教士不得從徵

士不素習不得應召

王其戒之

武帝分錫茅土鮮  
克令終於此見封  
建之不可復行矣

賜廣陵王胥策

嗚呼小子胥受茲赤社建爾國家封于南土世世為漢  
藩輔古人有言曰大江之南五湖之間其人輕心揚州

保疆

保恃也

三代要服不及以正

要服次荒服之內者也  
正政也○要一遙反

烏呼悉爾心祇祇兢兢迺惠迺順毋桐好逸毋邇宵人

桐輕脫之  
貌○音通

惟法惟則書云臣不作福不作威靡有後羞

王其戒之

遣博士巡行天下詔

元狩六年

遣使固有專賞因以問民疾苦留意人材曲折詳盡深得詔令之體

西山真德秀曰  
食貨志令縣官銷半兩錢更鑄三銖錢皆以興利而楮大等之出亦為舉兼并之徒是時張湯方用事蓋其所建請也而此詔乃以存問鰥寡

日者有司以幣輕多姦

幣錢也

農傷而未衆又禁兼并之

塗故改幣呂約之

更去半兩錢行五銖錢皮幣以檢約姦邪

稽諸往古制宜

於今廢期有月

自往年三月至今年四月期有餘月矣

而山澤之民未諭

夫仁行而從善義立則俗易意奉憲者所呂導之未明

與將百姓所安殊路而橋度吏因乘執呂侵蒸庶邪

稱詐

為橋強取為度橋與橋同

何紛然其擾也今遣博士大等六人分循

行天下

大楮大也

存問鰥寡廢疾無呂自振業者貸與之諭

三老孝弟呂為民師舉獨行之君子徵詣行在所

天子或在

舉獨行為之詞  
豈其誠哉武帝  
詔令大抵出於  
空文非高文比  
也

臣熙曰辭旨錯  
落古色蔚然自  
有雲斷岳連之  
妙

致粟救荒善政也  
詞氣尤極懇惻

梔野王維禎曰  
漢人本經術以  
為治故其詔書

京師或出巡狩不可  
豫定故言行在所耳  
朕嘉賢者樂知其人  
廣宣厥道士

有特招使者之任也

設士有殊才異行當特  
招者任在使者分別之

詳問隱處

亡位及寃失職姦猾為害野荒治苛者舉奏郡國有所  
召為使者上丞相御史召聞

遣博士巡行江南詔

元鼎二年

仁不異遠義不辭難

遠近如一為仁  
不憚艱難為義

今京師雖未為豐

年山林池澤之饒與民共之今水潦移於江南迫隆冬

至朕懼其饑寒不活江南之地大耕水耨

燒草下水種  
稻草與稻並

所下顓顓然多  
以教化之政為  
言而畧不及於  
法令征賦此猶  
有古人尚德不  
尚刑遺意

周有聖德而漢末  
遠為之立後以修  
祀事與封三恪義  
同

生高七八寸因悉芟去復下水灌  
之草死獨稻長所謂大耕水耨

方下巴蜀之粟致之

江陵遣博士中等分循行諭告所抵無令重困吏民有  
振救饑民免其危者具舉以聞

封周子南君詔

元鼎四年

祭地冀州

后土祠在汾  
陰本冀州地

瞻望河洛巡省豫州觀于周室

邈而無祀

邈遠絕  
之意

詢問耆老廼得孽子嘉其封嘉為周

子南君呂奉周祀

子南其封邑之號以為  
周後故總言周子南君

勅楊僕書

元鼎六年楊僕宜陽人為樓船將軍  
征南越有功封將梁侯東越反上欲

歷數其罪無可逃  
避得以自效如更  
生矣此使過之法

西山真德秀曰  
武帝之所以鑒  
飭臣工駕馭將  
帥者略見於賜  
嚴助勅楊僕書  
史稱其雄才大  
畧信矣夫

復使將為其伐前勞以書勅  
責之僕惶恐願盡死贖罪

將軍之功獨有先破石門尋陘

尋陘地名僕討南粵  
先陷尋陘破石門

非

有斬將奪旗之實也烏足以驕人哉前破番禺捕降者  
以為虜掘死人以為獲是一過也建德呂嘉逆罪不容  
於天下將軍擁精兵不窮追超然以東越為援是二過  
也士卒暴露連歲為朝會不置酒將軍不念其勤勞而  
造佞巧請乘傳行塞因用歸家懷銀黃垂三組夸鄉里  
是三過也失期內顧以道惡為解失尊尊之序是四過



臣正治曰欲用其力而勅責之漢高踞床謾罵意亦爾而僕卒以爭功致敗則真驕蹇不悅者矣

也欲請蜀刀問君賈幾何對曰率數百武庫日出兵而陽不知挾偽干君是五過也受詔不至蘭池宮明日又不對假令將軍之吏問之不對令之不從其罪何如推此心以在外江海之間可得信乎今東越深入將軍能率衆以掩過不

減內史地租詔

元鼎六年自鄭國鑿渠後至是百三十六歲而兒寬為左內史

奏請穿鑿六輔渠以滋溉鄭國

傍高卬之田于是天子下詔

興水利以便民復薄租入以寬其力

農天下之本也泉流灌漑所以育五穀也左右內史地

損上益下之誠溢於言表

人之才分不齊曷可拘以常格昔人相士謂於牝牡驪黃之外亦此意也

名山川原甚衆細民未知其利故為通溝瀆畜陂澤所

以備旱也今內史稻田租挈重不與郡同

租挈收田租之約令也郡

謂四方諸郡也

其議減令吏民勉農盡地利平繇行水

平繇者均齊渠堰之力役

勿使失時

察茂材異等詔

元封五年時名臣文武欲盡因下詔

蓋有非常之功必待非常之人故馬或奔蹏而致千里

蹏蹏也奔蹏者乘之即奔立則蹏人也

士或有負俗之累而立功名

負俗謂被世譏論也

夫泛駕之馬

泛覆也覆駕者言馬有逸氣躡而不循軌轍也

泛方勇反

臣德宜曰漢世用人惟高祖能駕馭豪傑而武帝彷彿近之讀此覺雄心偉畧不減大風一歌

嚴助與淮南王相結故非人臣禮治郡無聞其罪之小者

東發黃震曰嚴助徒以押闔取

弛之士

斯者斯落無檢局弛者放廢不遵禮度○斯土各反

亦在御之而已其令

州郡察吏民有茂材異等

舊言秀才避光武諱稱茂材

可為將相及

使絕國者

賜會稽太守書

嚴助使淮南還上問所欲對願為會稽太守於是拜為會稽太

守數年不聞問上賜責

制詔會稽太守君厭承明之廬

承明廬在石渠閣外直宿所止曰廬

勞侍

從之事懷故土出為郡吏會稽東接於海南近諸越

種

非一故

北枕大江

枕臨也

間者濶焉久不聞問具以春秋

寵亦以押閫見  
誅

時以東郡多事任  
壽王以都尉且兼  
太守之職倚毗至  
專其何以道隨越  
之咎

對母以蘇秦縱橫

賜吾丘壽王璽書

壽王高材通明為侍中中郎  
會東郡盜賊起拜東郡都尉

不復置太守是時軍旅數發  
年歲不熟盜賊益多故賜書

子在朕前之時知畧輻湊

言其無方而至若  
車輪之歸于轂

以為天下

少雙海內寡二及至連十餘城之守任四千石之重

郡守

都尉皆二千石壽王兼  
總二任故云四千石也

職事並廢盜賊從橫甚不稱在

前時何也

罷屯輪臺詔

是時上既悔遠征伐而搜粟都尉  
桑弘羊與丞相御史奏言輪臺以

武帝於稽古禮文之事修舉廢墜俾二代典制燦然復興有功世道不淺乃不克遵文景之節儉遂致海內虛耗晚年悔悟已無及矣

西山真德秀曰此武帝悔過之書也其事有四

東捷枝渠犂皆故國可遣卒屯種上廼下詔深陳既往之悔由是不復出軍而封丞相車千秋為富民侯以明休息思富養民也

前有司奏欲益民賦三十助邊用

三十者每口轉增三十錢也

是重

困老弱孤獨也而今又請遣卒田輪臺輪臺西於車師

千餘里前開陵侯擊車師時

開陵侯匈奴介和王來降者

危須尉犂

樓蘭六國子弟在京師者皆先歸發畜食迎漢軍

畜謂馬牛

羊等也

又自發兵凡數萬人王各自將共圍車師降其王

諸國兵便罷力不能復至道上食漢軍漢軍破城食至

益民賦一田輪  
莖二募囚徒送  
匈奴使者三明  
賞罰以報怨四  
方帝志氣盛壯  
時聞羣臣此請  
必銳然從之矣  
更變知難乃始  
悔文帝時年齒  
已六十九雖從  
義弗早然漢家  
社稷幾危而復  
安實有賴焉方  
諸呂刑秦弊蓋  
彷彿其遺意云

多然士自載不足以竟師

士雖各自載糧而在道已盡  
至於歸塗尚苦乏食不足不

能終師旅  
之事也

彊者盡食畜產羸者道死數千人朕發酒泉

驢橐駝負食出玉門迎軍吏卒起張掖不甚遠然尚廩

留甚衆

廩留言其前後離  
廩不相逮及也

曩者朕之不明以軍候弘上

書言匈奴縛馬前後足置城下馳言秦人我句若馬

謂中

國人為  
秦人

又漢使者久留不還故興師遣貳師將軍欲以

為使者威重也古者卿大夫與謀參以著龜不吉不行

迺者以縛馬書偏視丞相御史二千石諸大夫郎為文

臣廷敬曰細讀此詔如云曩者朕之不明朕不忍聞五伯所弗為一篇之中三復致意勤民恤

學者迺至郡屬國都尉成忠趙破奴等皆以虜自縛其

馬不祥甚哉或以為欲以見彊夫不足者視人有餘易

之卦得大過爻在九五

其繇曰枯楊生華象曰枯楊生華何可久也謂匈奴破不久也

匈奴困敗公車方士太史治星望氣及太卜龜著皆以

為吉匈奴必破時不可再得也又曰北伐行將於鬴山

必克

行將謂遣將率行也鬴山名鬴古釜字

卦諸將貳師最吉故朕親發

貳師下鬴山詔之必毋深入今計謀卦兆皆反繆重合

侯

莽通

得虜侯者言聞漢軍當來匈奴使巫埋羊牛所出

隱之心宛然如  
觀昔人每以泰  
皇漢武並舉是  
何過之深也

臣鴻緒曰讀此  
詔如嚴寒霜雪  
之後陽和忽轉  
萬彙皆春

諸道及水上以詛軍單于遺天子馬裘常使巫祝之縛

馬者詛軍事也又卜漢軍一將不吉匈奴常言漢極大

然不能饑渴

能音耐

失一狼走千羊迺者貳師敗軍士死

畧離散悲痛常在朕心今請遠田輪臺欲起亭隧

隧者依深

險之處開  
通行道也

是擾勞天下非所以優民也今朕不忍聞大

鴻臚等又議欲募囚徒送匈奴使者明封侯之賞以報

忿五伯所弗能為也曷奴得漢降者常提掖搜索問以

所聞今邊塞未正闌出不禁障候長吏使卒獵獸以皮



臣笑曰詔辭悔  
心真切一無隱  
諱最為賢古傳  
馬一事計謀卦  
兆皆謬故卿士  
施筮之從不若  
庶民

肉為利卒苦而塗火乏失亦上集不得

言邊塞有闕出  
逃亡之人而主

者不禁又長吏利於皮肉多使障候之卒獵獸故令塗  
火有乏又其人勞苦因致奔亡凡有此失皆不集於所  
上文 後降者來若捕生口虜迺知乏

既不上書所以當  
時不知至有降者

來及捕生口或虜得匈奴人言之乃知此事

當今務在禁苛暴止擅賦力本

農修馬復令以補缺毋乏武備而已

馬復因養馬以免  
徭賦也口復方目

反郡國二千石各上進畜馬方畧補邊狀與計對

與上  
計者

同來赴

對也

昭帝

諱弗陵武  
帝少子

賜涿郡韓福等五人詔

元鳳元年賜郡國所選有行義者韓福等五人

帛人五十

匹遣歸

朕閔勞以官職之事

閔哀韓福等不忍勞役以官職之事

其務修孝弟以

優賜有行義者使修孝弟以教鄉里較之居官盡職裨益尤多

教鄉里令郡縣常以正月賜羊酒有不幸者賜衣被一

襲祠以中牢

一襲一稱也猶今言一副也中牢即少牢謂羊豕也

賜燕王旦璽書

元鳳元年燕王旦與左將軍上官桀等謀反天子使使者賜燕

王璽書旦得

書自殺死

昔高皇帝王天下建立子弟以藩屏社稷先日諸呂陰

論情論理步步緊嚴結語更極悲痛

臣乾學曰詞嚴  
義正不必更言  
致法於王而已  
無地自容矣卒  
之天討得伸并  
無就戮向人之  
跡可謂恩義兩  
盡

謀大逆劉氏不絕若髮賴絳侯等誅討賊亂尊立孝文

以安宗廟非以中外有人表裏相應故耶樊鄴曹灌攜

劍推鋒從高皇帝墾菑除害耘鋤海內當此之時頭如

蓬葆

草叢生曰葆

勤苦至矣然其賞不過封侯今宗室子孫

曾無暴衣露冠之勞裂地而王之分財而賜之父死子

繼兄終弟及今王骨肉至親敵吾一體迺與他姓異族

謀害社稷親其所疏疏其所親有悖逆之心無忠愛之

義如使古人有知

古人謂先人

當何面目復奉齋酎見高祖

宣帝銳意圖治是  
年春以歲飢招振  
農民甫三月又因  
變詔舉賢良皇皇  
不自暇逸中興之  
業已見一斑

之廟乎

宣帝

諱詢武帝曾  
孫廟號中宗

地震舉賢良方正詔

本始四年

蓋災異者天地之戒也朕承洪業奉宗廟託于士民之  
上未能和羣生廼者地震北海琅邪壞祖宗廟朕甚懼  
焉丞相御史其與列侯中二千石博問經學之士有以  
應變輔朕之不逮毋有所諱令三輔太常內郡國舉賢  
良方正各一人律令有可蠲除以安百姓條奏被地震

漢承秦敝致本行  
以挽頽風乃其要  
務故自文帝武帝  
皆致意焉

戊辛之勞自古為  
甚特詔罷之惠民

壞敗甚者勿收租賦

令郡國舉孝弟詔

地節三年

朕既不逮漢民不明

不逮者意慮不及也

反側晨興念慮萬方不

忘元元唯恐羞先帝聖德故並舉賢良方正以親萬姓  
歷載臻茲然而俗化闕焉傳曰孝弟也者其為仁之本  
與其令郡國舉孝弟有行義聞於鄉里者各一人

罷車騎等屯兵詔

地節三年

迺者九月壬申地震朕甚懼焉有能箴朕過失及賢良

實政也

欽定四庫全書

卷十

方正直言極諫之士以匡朕之不逮毋諱有司

諱避也雖有司

在顯職者皆言其過勿避之

朕既不德不能附遠是以邊境屯戍未

息今復飭兵重屯久勞百姓

飭整也

非所以綏天下也其

罷車騎將軍右將軍屯兵

遭喪勿繇詔

地節四年

導民以孝則天下順今百姓或遭衰經凶災

衰千回反

而吏

繇事使不得葬

繇讀曰搖事謂役使之

傷孝子之心朕甚憐之自

以公家繇役致民不得葬誠為可憫詔詞惻惻入情

了翁陳瓘曰宣帝之政見於風

俗者始於此

倫紀至重則首匿  
可原風化所關自  
不得執一而論

臣英曰王制凡  
聽五刑之訟必  
原父子之親詔  
言首匿勿坐良  
得斯義

# 子道

首匿勿坐詔

地節四年

父子之親夫婦之道天性也雖有患禍猶蒙死而存之

蒙冒

誠愛結於心仁厚之至也豈能違之哉自今子首

匿父母妻匿夫孫匿大父母皆勿坐

凡首匿者言為謀首而藏匿罪人

其父母匿子夫匿妻大父母匿孫罪殊死皆上請廷尉

以聞

減鹽賈詔

地節四年

民隱之壅於上聞者多矣軫恤之方自當無微不至

書稱惟刑之恤易言明慎用刑而不留獄此詔得之詞亦警動

朕惟百姓失職不贍遣使者循行郡國問民所疾苦吏或營私煩擾不顧厥咎朕甚閔之今年郡國頗被水災已振貸鹽民之食而賈咸貴賈讀曰價衆庶重困更增其困也其減天下鹽賈

令郡國歲上繫囚詔

地節四年

令甲死者不可生

令有先後故有令甲令乙令丙甲乙者若今之第一第二篇耳

刑者

不可息

息謂生長也言剗刑臠割之徒不可更生長亦猶謂子為息耳

此先帝之所重

而吏未稱今繫者或以掠辜若饑寒瘐死獄中

瘐病也囚徒病



臣熙曰仁義之言諱如亦具有餘核名實之意

書曰非佞折獄惟良折獄察官屬以務平法得慎刑之道矣

律名何用心逆人道也朕甚痛之其令郡國歲上繫囚

以掠笞若瘐死者所坐名縣爵里

名其人名也縣所屬縣也爵其身之官爵

也里所居邑里也

丞相御史課殿最以聞

殿後也課居後也最凡要之首也課居先

也○殿丁見反

令二千石察官屬詔

元康二年

獄者萬民之命所以禁暴止邪養育羣生也能使生者

不怨死者不恨則可謂文吏矣今則不然用法或持巧

心析律貳端深淺不平

析分也謂分破律條妄生端緒以出入人罪

增辭飾

臣正治曰宣帝  
尚名法而用心  
忠恕如此史稱  
倖德殷宗周宣  
諒哉

念及侵漁百姓益  
吏奉以養其廉深

非以成其罪奏不如實上亦亡繇知

上者天子  
自謂也

此朕之

不明吏之不稱四方黎民將何仰哉二千石各察官屬

勿用此人吏務平法或擅興繇役飾廚傳稱過使客

使人

及賓客來者稱其意而遣  
之令過去也○稱尺孕反

越職踰法以取名譽譬猶踐

薄冰以待白日豈不殆哉今天下頗被疾疫之災朕甚

愍之其令郡國被災甚者毋出今年租賦

益吏奉詔

神爵三年

吏不廉平則治道衰今小吏皆勤事而奉祿薄

奉扶  
用反欲

於愛民也

言不迫切而意實  
嚴核

其毋侵漁百姓難矣其益吏百石以下奉十五

使尚書詔問黃霸

五鳳三年樂陵侯史高以外  
屬舊恩侍中貴重丞相黃霸

薦高可太尉天子使尚

書詔問霸霸免冠謝罪

太尉官罷久矣丞相兼之所以偃武興文也如國家不  
虞邊境有事左右之臣皆將帥也夫宣明教化通達幽  
隱使獄亡寃刑邑亡盜賊君之職也將相之官朕之任  
焉侍中樂陵侯高帷幄近臣朕之所自親君何越職而  
舉之尚書令受丞相對

致治有要惟務寬  
大不流於縱弛考  
名實不近於刻覈  
斯善矣

臣德宜曰管子  
云法禁不立則  
姦邪煩此詔諄  
切言之漢宣帝

戒不禁姦邪詔

黃龍元年

蓋聞上古之治君臣同心舉措曲直各得其所是以上  
下和洽海內康平其德弗可及已朕既不明數申詔公  
卿大夫務行寬大順民所疾苦將欲配三王之隆明先  
帝之德也今吏或以不禁姦邪為寬大縱釋有罪為不  
苛或以酷惡為賢皆失其中奉詔宣化如此豈不繆哉  
方今天下少事繇役省減兵革不動而民多貧盜賊不  
止其咎安在上計簿具文而已務為欺謾以避其課三

之綜覈名實於斯可見

元帝初政汲汲以糾盜振飢為事定

公不以為意朕將何任諸請詔省卒徒自給者皆止是武帝以用度不足宜有以益官者或奉使求不受奉祿自省其徒眾以取其稟者或自給於是姦吏緣以為利所得多於本祿故絕之御史察計簿疑非實者按之使真偽毋相亂

元帝

諱爽宣帝太子

責丞相御史詔

上初即位關東連年被災害民流入關上於是數以朝日引見

丞相御史入受詔條責以職事

惡吏負賊妄意良民

賊發不得恐負其殿故妄疑善人致其罪也

至亡辜死

欽定四庫全書

御選古文淵鑒

三

見願治之心

臣廷敬曰漢世以陰陽策免三公其事近誣若民之失業吏之不職則安辭其責

或盜賊發吏不亟追而反繫亡家

亟急也不急追賊後反禁繫失物之家

不敢復告以故寔廣民多寃結州郡不理連上書者交

於闕廷二千石選舉不實是以在位多不任職民田有

災害吏不肯除收趣

音促

其租以故重困關東流民饑寒

疾疫已詔吏轉漕虛倉廩開府藏

與藏同

相振救賜寒者

衣至春猶恐不贍今丞相御史將欲何施以塞此咎悉

意條狀陳朕過失

蠲減律令詔

按刑法志元帝初立時詔

肫切婉孌猶見忠厚之遺

克守恭儉乃元帝之所長詔詞亦古質

夫法令者所以抑暴扶弱欲其難犯而易避也今律令煩多而不約自典文者不能分明而欲羅元元之不逮羅網也不逮言斯豈刑中之意哉其議律令可蠲除輕減者條奏唯在便安萬姓而已

宮館勿繕治詔

初元元年

間者陰陽不調黎民饑寒無以保治惟德淺薄不足以充入舊貫之居

論語云仍舊貫帝自謙言不足充入先帝之宮室

其令諸宮館

希御幸者勿繕治

繕補也

太僕減穀食馬水衡省肉食獸

減謂損其數  
省者全去之

地震赦天下詔

初元二年

不為浮飾之言能  
宣懃懃之實亦詔  
令之工者

臣乾學曰用意  
朴至有文景之

蓋聞賢聖在位陰陽和風雨時日光星辰靜黎庶康  
寧考終厥命今朕恭承天地託于公侯之上明不能燭  
德不能綏災異並臻連年不息乃二月戊午地震于隴  
西郡毀落太上皇廟殿壁木飾壞敗獮道縣城郭官寺  
及民室屋壓殺人衆

獮道屬天水凡府庭所在皆謂之寺○獮音完

山崩地裂

水泉涌出天惟降災震驚朕師

師衆也

治有大虧咎至於



斯夙夜兢兢不通大變深惟鬱悼未知其序間者歲數  
不登元元困乏不勝饑寒以陷刑辟朕甚聞之郡國被  
地動災甚者無出租賦赦天下有可蠲除減省以便萬  
姓者條奏毋有所諱丞相御史中二千石舉茂材異等  
直言極諫之士朕將親覽焉

罷珠崖詔

初元三年珠崖郡山南縣反博謀羣  
臣待詔賈捐之以為宜棄珠崖教民

饑饉

從之

珠崖虜殺吏民背畔為逆今廷議者或言可擊或言可

表  
悲惻之情溢於言

臣鴻緒曰元帝  
從賈捐之議罷  
征珠崖當時洵  
為有益然自漢  
末至今遂為郡  
縣蓋冠裳禮樂  
矣古今不同勢  
類如此

矜全民命惟恐陷  
於苛吏之源文此

守或欲棄之其指各殊朕日夜思惟議者之言羞威不  
行則欲誅之狐疑辟難則守屯田通于時變則憂萬民  
夫萬民之饑餓與遠蠻之不討危孰大焉且宗廟之祭  
凶年不備況乎辟不嫌之辱哉今關東大困倉庫空虛  
無以相贍又以動兵非特勞民凶年隨之其罷珠崖郡  
民有慕義欲內屬便處之不欲勿彊

赦天下詔

初元三年

迺者火災降於孝武園館朕戰栗恐懼不燭變異咎在

史臣所以贊其寬弘也

詞近質實意則周詳

朕躬羣司又未肯極言朕過以至於斯將何以寤焉百姓仍遭凶阨無以相振加以煩擾虐苛吏拘牽虐微文不得永終性命朕甚閔焉其赦天下

罷甘泉建章宮衛詔

初元三年

蓋聞安民之道本繇陰陽間者陰陽錯謬風雨不時朕之不德庶幾羣公有敢言朕之過者今則不然媮合苟從未肯極言

媮與偷同

朕甚閔焉永惟烝庶之饑寒遠離父母妻子勞於非業之作衛於不居之宮

不急之事故云非業也

恐

臣英曰罷宮衛  
令就農是務本  
實政

亟於拯民之困圖  
維艱切情見乎辭

非所以佐陰陽之道也其罷甘泉建章宮衛令就農百  
官各省費條奏毋有所諱有司勉之毋犯四時之禁丞  
相御史舉天下明陰陽災異者各三人

復責丞相御史詔

永光元年春霜夏寒日  
青亡光上復以詔條責

郎有從東方來者言民父子相棄丞相御史案事之吏  
匿不言邪將從東方來者加增之也何以錯繆至是欲  
知其實方今年歲未可預知也即有水旱其憂不細公  
卿有可以防其未然救其已然者不各以誠對毋有所

漢文最為沉鬱此  
獨以華瞻出之已  
開唐人風氣

諱

罷初陵縣邑詔

永光四年

安土重遷黎民之性骨肉相附人情所願也頃者有司  
緣臣子之義奏徙郡國民以奉園陵令百姓遠棄先祖  
墳墓破業失產親戚別離人懷思慕之心家有不安之  
意是以東垂被虛耗之害關中有無聊之民非久長之  
策也詩不云乎民亦勞止迄可小康惠此中國以綏四  
方

大雅民  
勞之詩

今所為初陵者勿置縣邑使天下咸安土樂

業亡有動搖之心布告天下令明知之

賜東平王太后璽書

東平王宇宣帝子時犯法與太后不相得上勅諭王

復賜太

后璽書

皇帝使諸吏官者令承問東平王太后朕有聞

言母子不和也

委婉諄復足以啓人之悟班史謂元帝號令溫雅有古之風烈於茲可見

不欲指斥言之故云有聞也

王太后少加意焉夫福善之門莫美于

和睦患咎之首莫大于內離今東平王出經祿之中而

託于南面之位加以年齒方剛涉學日寡驚忽臣下不

自它于太后

不自它者親之辭也言不自同它人

以是之間能無失禮義

西山真德秀曰觀東平王一事而漢庭處之曲盡如此可謂得

治親之誼矣

臣叔元曰為母  
言慈為子言孝  
以聖人而處人  
骨肉亦無踰於  
此

傅相之於王任至  
重矣以詔勅贊

者其唯聖人乎傳曰父為子隱直在其中矣王太后明  
察此意不可不詳閨門之內母子之間同氣異息骨肉  
之恩豈可忽哉豈可忽哉昔周公戒伯禽曰故舊無大  
故則不可棄也毋求備于一人夫以故舊之恩猶忍小  
惡而況此乎已遣使者諭王王既悔過服罪太后寬忍  
以賞之賞猶緩也後宜不敢王太后強餐止思念慎疾自愛

敕東平傅相詔

夫人之性皆有五常及其少長耳目牽於者欲故五常

之最得要領

貢禹以明經潔行  
徵蓋廉靜寡欲之  
人也使之在列足  
以風示有位

銷而邪心作情亂其性利勝其義而不失厥家者未之  
有也今王富於春秋氣力勇武獲師傅之教淺加以少  
所聞見自今以來非五經之正術敢以游獵非禮道王  
者輒以名聞

報貢禹

朕以生有伯夷之廉史魚之直守經據古不阿當世華  
華於民俗之所寡故親近生幾參國政今未得久聞生  
之奇論也而云欲退意豈有所恨與將在位者與生殊



臣士奇曰報書  
情文婉至所謂  
勸以忠信

大辟之刑至千有  
餘條文法之吏得  
以因緣為奸者何  
可勝計成帝念及  
此亦見其天資之  
善

乎言志趣不同往者嘗令金敞語生欲及生時祿生之子既

已諭矣今復云子少夫以王命辨護生家雖百子何以

加傳曰亡懷土何必思故鄉生其強飯慎疾以自輔

成帝

諱鷲元  
帝太子

減刑詔

河平中

甫刑云五刑之屬三千大辟之罰其屬二百

甫刑即周  
書呂刑初

為呂侯號曰呂刑後  
為甫侯又稱甫刑

今大辟之刑千有餘條律令煩多

百有餘萬言奇請它比日以益滋

奇請謂常文之外主  
者別有所請以定罪

也它比謂引它類以比附之  
稍增律條也○奇居宜反

自明習者不知所由欲以

曉諭衆庶不亦難乎於以羅元元之民天絕亡辜豈不  
哀哉其與中二千石二千石博士及明習律令者議減  
死刑及可蠲除約省者令較然易知條奏書不云乎惟  
刑之恤哉其審核之務準古法朕將盡心覽焉

順四時月令詔

陽朔二年

昔在帝堯立羲和之官命以四時之事令不失其序故  
書云黎民於蕃時雍

尚書作穰而此  
作蕃兩說並通

明以陰陽為本也

引經據古文亦燦  
然

儒官專司教化所  
關至重固當慎選  
其人

今公卿大夫或不信陰陽薄而小之所奏請多違時政  
時政月令也傳以不知周行天下言遞相因循以所不知之事施設教命周徧天下  
而欲望陰陽和調豈不謬哉其務順四時月令

舉博士詔

陽朔二年

古之立太學將以傳先王之業流化於天下也儒林之  
官四海淵原宜皆明於古今溫故知新通達國體故謂  
之博士否則學者無述焉為下所輕非所以尊道德也  
工欲善其事必先利其器丞相御史其與中二千石二

千石雜舉可充博士位者使卓然可觀

勸農詔 陽朔四年

漢之文景首重農桑優恤勤誠詳於

他務成帝此詔猶有繩其祖武之意

夫洪範八政以食為首斯誠家給刑錯之本也先帝劬

農

勸勉也

薄其租稅寵其強力

謂優寵力田之人

令與孝弟同科

間者民彌情怠鄉本者少趨末者衆將何以矯之方東

作時其令二千石勉農桑出入阡陌致勞來之

南北曰阡東西

臣熙曰語平淡而味雋水引書作結風韻冷然

曰書不云乎服田力耜乃亦有秋

農夫服田厲其耜力乃有秋收也此商書

盤庚其勗之哉

邇流民失業之由  
思所以振救安全  
之委曲周到具見  
誠惻

臣正治曰讀此  
詔知元成之世  
猶有文景遺風

遣使者巡行郡國詔

鴻嘉四年

數勅有司務行寬大而禁苛暴訖今不改一人有辜舉  
宗拘繫農民失業怨恨者衆傷害和氣水旱為災關東  
流冗者衆冗散失其事業也青幽冀部尤劇朕甚痛焉未聞在

位有惻然者孰當助朕憂之已遣使者循行郡國被災  
害什四以上民貲不滿三萬勿出租賦逋貸未入皆勿  
收流民欲入關輒籍內錄其民籍而內之所之郡國謹遇以理

之往也務有以全活之思稱朕意

禁列侯近臣奢僭詔

永始四年

辨等威崇節儉則  
僭侈不作而風俗  
可淳匪細故也食  
祿之家尤易流於  
奢靡今行自近深  
中竅要

臣德宜曰世祿  
之家鮮克由禮  
而民俗敦樸者  
未之聞也戒奢  
防僭首及列侯  
近臣其言亦深  
中時弊矣

聖王明禮制以序尊卑異車服以章有德雖有其財而  
無其尊不得踰制故民興行上義而下利方今世俗奢  
僭罔極靡有厭足公卿列侯親屬近臣四方所則未聞  
修身遵禮同心憂國者也或廼奢侈逸豫務廣第宅治  
園池多畜奴婢被服綺縠設鐘鼓備女樂車服嫁娶葬  
埋過制吏民慕效寢以成俗而欲望百姓儉節家給人  
足豈不難哉詩不云乎赫赫師尹民具爾瞻

小雅節南山之詩

君子聽樂以平其  
心蓋將於宮縣考  
擊之間求制作之  
本原也若鄭衛之  
聲何可並列樂府  
以煩專官

其中勅有司以漸禁之青綠民所常服且勿止

然則禁紅紫之

屬列侯近臣各自省改司隸校尉察不變者

哀帝

諱欣元帝庶孫  
定陶恭王子

罷樂府官詔

時黃門名倡丙彊景武之屬富顯  
於世哀帝自為定陶王時疾之又

性不好音及  
即位下詔

惟世俗奢泰文巧而鄭衛之聲興夫奢泰則下不孫而  
國貧文巧則趨末背本者衆鄭衛之聲興則淫辟之化  
流而欲黎庶敦朴家給猶濁其源而求其清流豈不難

臣廷敬曰別屬  
他官者屬之大  
樂也所罷不應  
經法者凡四百  
四十一人詳見  
樂志

哉孔子不云乎放鄭聲鄭聲淫其罷樂府官郊祭樂及  
古兵法武樂在經非鄭衛之樂者條奏別屬他官

